

## **Warbixin waalidka ku socota oo ku saabsan Ra'yi baarista waalidka ee iskoolka**

### **Waa maxay ujeeddada laga leeyahay Ra'yi baarista waalidka ee iskoolka?**

Ra'yi baarista waalidka ee iskoolku waxay waalid ahaan ku siinaysaa fursad aad fikraddaada uga dhiibato sida aad u aragto waxbarashada iyo ka helidda iskoolka, iyo weliba wadashaqaynta guriga iyo iskoolka. Natijada ra'yi baarista waxaa kaydinaya oo isticmaali doona iskoolka, mulkiilaha iskoolka iyo hay'adaha waxbarashada ee dawladda ayaga oo u isticmaali doona falanqaynta iyo horummarinta tayada iskoolka- iyo bey'adda waxbarashada.

Natijada ka soo baxda ra'yi baarista waxaa sidoo kale loo isticmaali karaa cilmibaaris, tirakoob iyo in lagu kaydiyo arkiifiyaha.

Agaasinka waxbarashadu wuxuu tirakoobka ra'yi baarista soo dhigi doonaa bogga [www.udir.no](http://www.udir.no).

### **Sidee ayaa loo qabanayaa Ra'yi baarista waalidka?**

Xor ayaa loo yahay in ra'yi baarista laga jawaabo iyo in kale. Waadna ka boodi kartaa su'aalaha aadan doonayn in aad ka jawaabto.

### **Mas'uuliyadda maaraynta iyo ilaalinta macluumaadka qofka**

Agaasinka waxbarashada ayaa mas'uul ka ah in macluumaadka meelaha lagaala soo xiriirayo iyo jawaabahaaga in loo xafido si waafaqsan xeerarka ilaalinta macluumaadka qofka. Conexus oo mas'uul nooga ah maaraynta macluumaadka ayaa xagga sancada baaritaanka u qaabbilsan Agaasinka waxbarashada, isla xeerarkaas ayayna raacayaan.

Mark aad jawaabayso ma dhiibaysid magac, jawaabahaagana lama socdo lambar dhalasho. Sidaas darteed way adag tahay in la garto qofka iyo waxa uu ku jawaabay ra'yi baarista. Marar aan badnayn (tusaale ahaan iskoolada yar), ayay dhici kartaa in uu qofi garto qofka jawaabaha bixiyay. Agaasinka waxbarashada waxaa taas darteed ka yaalla xeerar aad u adag in natijada ra'yi baarista la tuso iskoolka, mulkiilaha iskoolka iyo mas'uuliyiinta waxbarashada ee dawladda. Natijoooyinka ra'yi baarista loo daabici maayo hab lagu garan karo jawaabahaaga. Jawaabaha waxaa la haynayaa ilaa iyo intii loo baahdo.

Mararka uu Agaasinka waxbarashadu jawaabaha dhiibo si cilmibaaris loogu sameeyo, waa in ay cilmibaarayaashu raacaan xeerarka agaasinka ee ka yaalla maaraynta macluumaadka iyo waajibka xog qarinta, waana in ay saxiixaan caddayn xog qarintan.

### **Gundhigga qaanuunka ee maaraynta macluumaadka qofka**

Marka aad ka jawaabto Ra'yi baarista waalidka ee iskoolka waxaad oggolaatay in aad ra'yi baarista ka qaybqaadato iyo in jawaabahaaga loo isticmaali karo falanqaynta iyo horummarinta iskoolka- iyo bey'adda waxbarashada. Gundhigga qaanuuniga ah ee arrintan waa xeerka ilaalinta macluumaadka qofka qodobka 6-aad lambarka 1-aad xarafka a iyo qodobka 9-aad lambarka 2-aad xarafka a.

Oggolaashada waad la noqon kartaa ilaa iyo inta ay ka dhammaanayso muddada ra'yi baaristu. Oggolaashada oo lala noqdo saamayn kuma yeelanayso sharci ahaanshaha waxyaalaha markaas ka hor la qabtay. Markay dhammaato muddada ra'yi baaristu ayaa la kala goynayaa isku xirnaantii furihii aad kombiyuutarka ku gelaysay/linkigaagii iyo jawaabahaagii. Taas oo keenaysa in aysan suurtagal ahayn in aad oggolaashada la noqoto,

in aad dalbato in aad jawaabaha aragto, in aad jawaabaha saxdo ama tirtirto, maxaa yeelay jawaabahaagii markaan ma aha kuwo la garan karo in ay adiga kaa yimaadeen.

Gundhigga qaanuuniga ah ee cilmibaarista, tirakoobka iyo gelinta arkiifiyada waa xeerka ilaalinta macluumaadka qofka qodobka 6-aad lambarka 1-aad xarafka e iyo qodobka 9-aad lambarka 2-aad xarafka j. Qodobbada §§ 8 iyo 9 ee Xeerka macluumaadka qofka ayaa ah qaanuunka waddanka ee xoojinaya

**Haddii aad wax su'aal ah qabto**

Warbixin intaan ka badan waxaad ka heli kartaa iskoolka ama Agaasinka waxbarashada. Sida loo xiriiri karo Agaasinka waxbarashada:

**Teleefoon:** +47 23 30 12 00

**limayl:** [post@udir.no](mailto:post@udir.no)

Waxaad sidoo kale warbixin badan ka helaysaa [www.udir.no/undersokelser](http://www.udir.no/undersokelser). Su'aalaha la xiriira ilaalinta macluumaadka qofka waxaa lagu aaddin karaa ilaaliyaha macluumaadka qofka ee Agaasinka waxbarashada, oo loogu dirayo: [personvernombud@udir.no](mailto:personvernombud@udir.no) .

Hay'adda ilaalinta macluumaadka [Datatilsynet] ayaa looga cabanayaa maaraynta macluumaadka qofka ee Ra'yi baarista iskoolka. Waxaad warbixin intaan ka badan ka helaysaa:

<https://www.datatilsynet.no/om-datatilsynet/kontakt-oss/klage-til-datatilsynet/>